



ODJELJENJE ZA PRAVNE I OPĆE POSLOVE

Broj: 02-02-1-527/22

Datum: 03.02.2022.godine

Na osnovu člana 4. stav 6. Odluke o neposrednom učešću osiguranih lica u troškovima korištenja zdravstvene zaštite na teritoriji Unsko sanskog kantona ("Službeni glasnik Unsko-sanskog kantona broj: 17/05, 1/09, 4/09, 4/12, 20/12, 20/14, 25/19, 25/20 i 01-02-3-298/21 od 12.4.2021.) i člana 33. Statuta Zavoda zdravstvenog osiguranja („Službeni glasnik Unsko-sanskog kantona“ broj: 12/15 i 9/19), direktor Zavoda zdravstvenog osiguranja Unsko-sanskog kantona donosi:

#### UPUTSTVO

o načinu uplate i evidentiranju participacije, odnosno premije osiguranja i načinu ostvarivanja prava na oslobađanje od participacije u postupku ostvarivanja zdravstvene zaštite na području Unsko-sanskog kantona

#### Član 1.

Ovim uputstvom utvrđuje se način uplate participacije i premije osiguranja, način ostvarivanja prava na oslobađanje od neposrednog učešća u troškovima korištenja zdravstvene zaštite (u daljem tekstu: učešće) i druga pitanja od značaja za zakonito i pravilno provođenje Odluke o neposrednom učešću osiguranih lica u troškovima korištenja zdravstvene zaštite na teritoriji Unsko sanskog kantona (u daljem tekstu: Odluka).

#### Član 2.

Primjena ovog uputstva obavezna je za sve zdravstvene ustanove, i to:

- a) ugovorene zdravstvene ustanove;
- b) ugovorene apoteke.

#### Član 3.

Zdravstvene usluge za koja osigurana lica plaćaju participaciju utvrđene su u stavu 1. člana 6. Odluke. Osigurano lice plaćanje participacije vrši u zdravstvenoj ustanovi u kojoj mu se pruža zdravstvena usluga i plaća se prije pružanja zdravstvene usluge.

#### Član 4.

Zdravstvene ustanove su dužne organizovati naplatu participacije i voditi evidenciju naplaćene participacije, kao i evidenciju osiguranih lica kojima su pružene zdravstvene usluge a koji su oslobođeni plaćanja participacije, uz obavezu navođenja osnova po kojem su oslobođeni iste.

#### Član 5.

Evidencija naplaćene participacije vodi se na osnovu izdatih blok-priznanica od strane Zavoda.

Blok-priznanica sadrži sljedeće podatke:

- a) ime i prezime osiguranog lica;
- b) jedinstveni matični broj (JMB) i broj zdravstvene legitimacije, odnosno broj bolničkog lista;
- c) naziv zdravstvene ustanove;
- d) šifra i vrsta zdravstvene usluge;
- e) naplaćeni iznos;
- f) potpis lica odgovornog za naplatu i pečat ustanove.

Zdravstvena ustanova je dužna osiguranom licu izdati blok-priznanicu za naplaćenu participaciju.

Za inostrane osiguranike sa izdatim bolesničkim listom kojima je naplaćena participacija, zdravstvena ustanova pored priznanice/bloka o naplaćenju participaciji izdaje potvrdu na kojoj navodi da je participacija naplaćena za pružene zdravstvene usluge ili bolničko liječenje i broj računa/fakture izdatog za pružene zdravstvene usluge ili bolničko liječenje po osnovu kojeg će se izvršiti obračun stvarnih troškova.

#### Član 6.

Izveštaj o naplaćenju participaciji ugovorene zdravstvene ustanove iz člana 2.ovog Uputstva dostavljaju Zavodu zdravstvenog osiguranja Unsko-sanskog kantona (u daljem tekstu: Zavod) jednom mjesečno do 15. tekućeg mjeseca za prethodni mjesec.

Izveštaj koji se dostavlja sadrži:

- a) ime i prezime osiguranika i datum rođenja,
- b) iznos naplaćene participacije po Odluci o neposrednom učešću,
- c) uredno popunjen blok-priznanicu.

#### Član 7.

Sredstva naplaćene participacije zdravstvena ustanova uplaćuje na račun Zavoda do 15. u mjesecu za prethodni mjesec.

Kontrola naplate participacije je u nadležnosti Zavoda.

Kontrola iz prethodnog stava vršit će se periodično, a najmanje jednom godišnje.

U slučaju sumnje u neispravnost postupanja kod primjene odredaba Odluke, a u vezi naplate participacije, Zavod ima pravo vršiti i vanredne kontrole.

#### Član 8.

Osigurana lica Zavoda, koja nisu oslobođena od učeća u troškovima zdravstvene zaštite, umjesto plaćanja participacije, mogu uplatiti premiju osiguranja.

#### Član 9.

Nakon što osigurano lice uplati premiju osiguranja, nadležna poslovnicu Zavoda izvršit će unos o istom u jedinstveni informacijski sistem Zavoda.

U slučaju oslobađanja osiguranog lica od učešća u skladu sa Odlukom, Zavod će isto evidentirati u jedinstveni informacijski sistem.

#### Član 10.

U slučaju da u toku godine zbog neuplaćivanja doprinosa za obavezno zdravstveno osiguranje, osiguranom licu u smislu člana 87. Zakona o zdravstvenom osiguranju, Zavod obustavi pravo na obavezno zdravstveno osiguranje, osigurano lice nema pravo na povrat uplaćene premije osiguranja.

#### Član 11.

Za utvrđivanje da li je osigurano lice oslobođeno plaćanja participacije/premije u skladu sa Odlukom nadležan je Zavod.

Za osigurana lica koja boluju od bolesti iz člana 9. Odluke, oslobađanje od plaćanja participacije/premije utvrđuju zdravstvene ustanove prilikom pružanja zdravstvene usluge.

#### Član 12

Od neposrednog učešća u troškovima zdravstvene zaštite oslobođena su osigurana lica:



- primaoci stalne novčane pomoći po propisima o socijalnoj zaštiti i lica smještena u ustanovama socijalne zaštite,
- raseljena lica koja imaju svojstvo osiguranog lica po tom osnovu,
- duševni bolesnici koji zbog prirode i stanja bolesti mogu ugroziti svoj život i život drugih lica ili oštetiti materijalna dobra,
- oboljeli od progresivnih nervno-mišićnih oboljenja, paraplegije, kvadriplegije, cerebralne paralize i multipleks-skleroze,
- lica kojima je izvršena transplantacija bubrega i lica koja su donori bubrega,
- darivaoci krvi koji su darivali krv deset i više puta,
- osiguranja lica iz člana 9.tačka 4. Zakona o dopunskim pravima branilaca i članova njihovih porodica (Sl.glasnik Unsko-sanskog kantona 31/20),
- penzioneri čija ukupna penzija ne prelazi iznos minimalne penzije prema posljednjem objavljenom podatku.

Od neposrednog učešća u troškovima zdravstvene zaštite oslobođena su i osigurana lica kada ih osigurava organ uprave Kantona nadležan za poslove socijalne i dječije zdravstvene zaštite, i to-za djecu od rođenja do polaska u osnovnu školu i za lica nakon navršениh 65 godina života, kao i za lica koja osigurava organ uprave Kantona nadležan za obrazovanje- za učenike do 18 godina i to:

- a.) djeca od rođenja do navršениh 15. godina života,
- b.) stariji maloljetnici do 18 godina života i
- c.) lica nakon navršениh 65 godina života.

Dokumentacija koja se dostavlja na uvid sačinjena je u tabeli u prilogu, koja čini sastavni dio ovog Uputstva ( PRILOG 1)

### Član 13.

Premiju osiguranja osigurana lica, odnosno pravna lica, uplaćuju na račun Zavoda u svim bankama, poslovnica BH Pošte, kao i putem elektronskog ili mobilnog bankarstva. Uplaćena premija osiguranja nije prenosiva na drugo osigurano lice.

### Član 14.

Osigurano lice može na jednoj uplatnici izvršiti uplatu za jedno ili više osiguranih lica i to na slijedeći način:

- JEDNA UPLATNICA-JEDNA PREMIJA  
Osigurano lice koje uplaćuje premiju na jednoj uplatnici( za jedno osigurano lice) daje sve potrebne podatke o uplatiocu (ime i prezime, adresa i broj telefona), te u polje "Svrha doznake" čitko upisuje Jedinstveni matični broj građana (JMBG).  
Evidencija uplate premije za osigurano lice koja na ovaj način izvrše uplatu je automatska, te nije potrebno naknadno javljanje u Poslovnice Zavoda
- JEDNA UPLATNICA- VIŠE PREMIJA  
Osigurana lica koja vrše uplate premije za dva ili više osiguranih lica putem jedne uplatnice, u polje "Svrha" uplate upisuju: " PREMIJA i naznačiti godinu" ili jmbg osiguranih lica za koje se vrši uplata.  
Kada osigurana lica na ovaj način vrše uplatu premije, radi evidencije dužni su putem e-maila ili ličnim javljanjem u nadležnu poslovnicu dostaviti sljedeće:
  1. dokaz o izvršenoj uplati (u papirnom obliku ili fotografisan ili PDF datoteka potvrde plaćanja elektronskim ili mobilnim bankarstvom)
  2. spisak osiguranih lica za koje je uplaćena premija ( ime i prezime, JMBG)
- EVIDENTIRANJE POTPUNOG ILI DJELIMIČNOG OSLOBAĐANJA OD NEPOSREDNOG UČEŠĆA  
Osigurana lica koja su po osnovu odredaba Odluke potpuno ili djelomično oslobođenja neposrednog učešća obavezno se javljaju u poslovnicu Zavoda prema mjestu prebivališta i prilažu odgovarajuću dokumentaciju kojom se dokazuje pripadnost kategoriji koja je oslobođena ili djelomično oslobođena troškova neposrednog učešća prilikom korištenja usluga zdravstvene zaštite.

Član 15.

Osiguranom licu koje je oslobođeno plaćanja participacije, a zahtjeva da uplati premiju osiguranja, to može i učiniti uz datu pismenu izjavu i bez prava na povrat sredstava.


Član 16.

Ovo Uputstvo stupa na snagu danom donošenja, a objavit će se u Službenom glasniku Unsko-sanskog kantona, web stranici Zavoda i oglasnoj tabli Poslovnica zdravstvenog osiguranja.

Član 17.

Stupanjem na snagu ovog Uputstva prestaje da važi Uputstvo o uplati i evidentiranju premije osiguranja u zdravstvenu legitimaciju Službeni glasnik Unsko-sanskog kantona broj: 03-37-2575/21 od 26.4.2021.godine.

Direktor  
mr. sc. Jasmin Husetić





**PRILOG 1**

<b>R.b.</b>	<b>Kategorija osiguranih lica</b>	<b>Potrebna dokumentacija</b>
1.	Korisnici stalne novčane pomoći i Lica smještena u ustanovama socijalne zaštite	Rješenje nadležnog centra za socijalni rad o primanju novčane pomoći/smještaju u ustanovu Prijava na zdravstveno osiguranje od strane nadležnog centra za socijalni rad - provjera u evidenciji ZZO USK
2.	Raseljena lica	Uvjerenje nadležnog općinskog organa Prijava na zdravstveno osiguranje od strane nadležnog općinskog organa - provjera u evidenciji ZZO USK
3.	Duševni bolesnici	Nalaz i mišljenje ljekara spec. neuropsihijatra
4.	Oboljeli od progresivnih nervno-mišićnih oboljenja, paraplegije, kvadriplegije, cerebralne paralize i multipleks-skleroze	Nalaz i mišljenje ljekara odgovarajuće specijalnosti
5.	Lica kojima je izvršena transplatacija bubrega i lica koja su donori bubrega	Potvrda/ nalaz zdravstvene ustanove gdje je transplatacija izvršena
6.	Dobrovoljni davaoci krvi deset i više puta	Uvjerenje pravnog lica/udruženja nadležnog za vođenje evidencija i člansku kartu na uvid kada se osigurano lice uvodi u pravo
7.	Osigurana lica iz člana 9. tačka 4. Zakona o dopunskim pravima boraca	
a.	Branioac, demobilizirani branioac, dobrovoljci, organizatori otpora, veterani, RVI kojih je nastupilo oštećenje njegovog organizma za namjanje 20% i kojem je takvo svojstvo utvrđeno rješenjem i dobitnici ratnog priznanja ili odlikovanja	Dokaz o utvrđenom statusu
b.	Članovi uže porodice	<ol style="list-style-type: none"> <li>1. BRAČNI DRUG <ul style="list-style-type: none"> <li>- Dokaz o utvrđenom statusu</li> <li>- Dokaz da nije u radnom odnosu- vrši se provjera u evidenciji ZZO USK-a</li> </ul> </li> <li>2. DJECA na redovnom školovanju, a najkasnije do 25. godine života <ul style="list-style-type: none"> <li>- Dokaz o utvrđenom statusu</li> </ul> </li> </ol>

		<ul style="list-style-type: none"> <li>- Potvrda o redovnom školovanju</li> </ul> <p>3. RODITELJI</p> <ul style="list-style-type: none"> <li>- Dokaz o utvrđenom statusu</li> <li>- Dokaz da nije u radnom odnosu- vrši se provjera u evidenciji ZZO USK-a</li> </ul>
8.	Penzioneri čija ukupna penzija ne prelazi iznos minimalne penzije prema posljednjem objavljenom podatku.	Ček od posljednje penzije
9.	Djeca od rođenja do polaska u osnovnu školu ako ih osigurava nadležni Centar za socijalni rad	Prijava na zdravstveno osiguranje od strane nadležnog Centra za socijalni rad - provjera u evidenciji ZZO USK
10.	Učenici do navršenih 18. godina života ako ih osigurava nadležni organ kantona	Prijava na zdravstveno osiguranje od strane Ministarstva obrazovanja USK - provjera u evidenciji ZZO USK Potvrda o redovnom školovanju
11.	Lica nakon navršenih 65 godina života osigurana preko nadležnog Centra za socijalni rad	Prijava na zdravstveno osiguranje od strane nadležnog Centra za socijalni rad - provjera u evidenciji ZZO USK

- Dokumentacija navedena u tabelarom prikazu dostavlja se na uvid prilikom utvrđivanja prava